



# ТОШКЕНТ ҲАҚИКАТИ

Вилоят ижтимоий-сиёсий газетаси

TOSHKENT HAQIQATI

1928 йил 11 декабрда асос солинган • 2003 йил 10 сентябрь, чоршанба • №74 (11.565) • Эркин нарҳда сотилади

## БУХОРО БИЛАН ТАНИШУВ

**БУХОРО. 9 сентябрь.** Давлат ташрифи билан мамлакатимизда меҳмон бўлиб турган Малайзия Қироли Янг Ди-Пертуан Агонг XII Туанку Сайед Сиражуддин Сайед Путра Жамалуллайл Зоти Олийлари Бухорони зиёрат қилди.

Малайзия Қиролининг қадим ва навқирон Бухоро шаҳри билан танишуви Пойи Калон мажмуидан бошланди.

Меҳмонга мажмуа тарихи ҳақида сўзлаб берилди. Масжид VIII асрда бунёд этилган. Шўролар даврида ундан омбор сифатида фойдаланилган. Истиқлол йилларида қадриятларимизга кенг йўл очилгач, Бухоронинг 2500 йиллик юбилейи арафасида Ўзбекистон Республикаси Президенти Ислам Каримов ташаббуси билан мажмуада кенг кўламдаги қурилиш-монтаж ишлари амалга оширилди. У Марказий Осиёдаги энг катта масжидлардан биридир.

Олий мартабали меҳмон Пойи Калон мажмуига кировчи Мир Араб мадрасасини зиёрат қилди. Айни кунларда мадрасада юздан

зиёд талаба диний ва дунёвий фанлардан таълим олмақда.

Малайзия Қироли мазкур обидалар билан танишув чоғида Ўзбекистонда миллий, маданий ва маънавий қадриятларни тиклаш, асраб-авайлаш борасида улкан ишлар амалга оширилаётгани, ёшларнинг диний ва дунёвий илмларни пухта эгаллаши учун барча шароит яратилганига гувоҳ бўлганини таъкидлади. Талабаларга ўқишларида муваффақият тилади.

Малайзия қироли Тоқи Заргарон, Абдулазизхон ва Улуғбек мадрасалари, Арк қалъасини, бухоролик ҳунармандлар ясаган буюмлар кўргазмасини томоша қилди.

**Илҳом САФАР,  
ЎЗА мухбири.**

Вилоят ҳокимлигида

## ПАХТАЗОРЛАРДА МЎЛ ҲОСИЛ ТЎПЛАНМОҚДА

Эндиги вазифа уни сақлаб қолиш ва йиғим-теримга ҳар томонлама пухта тайёргарлик кўришдир

Оққўрғон туманидаги С. Сегизбоев номли ширкат хўжалигида қишлоқ хўжалигининг бугунги долзарб вазифаларига бағишланган йиғилиш бўлиб ўтди. Унда туман ҳокимлари, уларнинг биринчи ўринбосарлари, туман МТПлари ҳамда «Қишлоқхўжалиқимё» ра-

ислари, деҳқон-фермер хўжаликлари уюшмаси вакиллиги ва ширкат хўжалиқларининг раҳбарлари иштирок этдилар.

Йиғилишни Ўзбекистон Республикаси Президентининг Давлат маслаҳатчиси Исмоил Жўрабеков бошқарди.

Вилоят ҳокимининг биринчи ўринбосари, вилоят қишлоқ ва сув хўжалиги бошқармаси бошлиғи Сайдулло Бегалиев пахтазорларда ҳосил тўпланишининг бугунги аҳволи, йиғим-терим бошлангунга қадар амалга оширилиши за-

**(Давоми 2-бетда).**



**СУРАТДА:** Чиноз туманидаги С. Раҳимов номли ширкат хўжалиги бош пудратчиси Ориф Налибоев ва пудратчи Анвар Худайберганов ҳосил чўғини кўздан кечирмоқдалар. **Даврон АҲМАД олган сурат.**

## Осиё тараққиёт банкининг янги гранти

Соғлиқни сақлаш вазирлигида Осиё тараққиёт банки (ОТБ)нинг "Аёллар ва болалар саломатлигини яхшилаш" грант техник кўмагининг очилиш маросими бўлиб ўтди. Мазкур грант учун 500 минг АҚШ доллари ҳажмидаги маблағни Япония ҳукумати томонидан молияланадиган Япония маҳсулоти фонди ажратган.

ОТБнинг янги лойиҳаси Ўзбекистон соғлиқни сақлаш соҳасида биринчи ҳисобланади. У она ва бола соғлиғини ҳимоя қилиш тизимини такомиллаштириш ва

уйғунлаштиришга ёрдам бериши кутилмоқда. Лойиҳа самарали бошқарувни шакллантиришга хизмат қилади, чунки ҳомиладорлик ва туғиш вақтидаги қи-

йинчиликлар ўлим хавфини оширади, уларнинг аксариятини эса олдини олиш мумкин.

Турмуш сифатини, қишлоқ аёллари ва болалари саломатлигини яхшилашга қаратилган лойиҳага кўра тўрт ой давомидаги тайёргарлик жараёнида, асосан, стратегик тизим шарҳи, вазиятлар таҳлили амалга оширилади, дастур вазифалари белгилаб олинади.

**ЎЗА.**

## Аёл, Ойла, Жамият



Тошкент вилояти хотин-қизлар кўнгидашнинг ойлик саҳифаси №3 (3-, 4-, 5-, 6-бетлар).

## ВИЛОЯТ ҲАЁТИ

### КАТТА ҲАЁТ БЎСАФАСИДА

Оққўрғон тумани «Икбол» маҳалласида жойлашган 8-мактабда юқори синф ўқувчилари ҳамда вақтинча ҳеч қаерда ишламайдиган ва ўқимайдиган қизлар иштирокида давра суҳбати бўлиб ўтди.

Ушбу давра суҳбатида қизларни турмушга тайёрлаш, кийиниш маданияти ҳамда гиёҳвандлик, фоҳишабозлик иллатларига йўлиқиб қолмасликнинг чора тadbирлари хусусида очик мулоқот бўлди.

**Хурида МЎМИНОВА.**

### ЖАМҒАРМА ТАШАББУСИ БИЛАН

«Обод маҳалла йили» муносабати билан жойларда тўғри тadbирлар, кўрик-танловлар мунтазам ўтказиб келинмоқда.

Жумладан, Юқоричирчиқда ҳам «Маҳалла» жамғармасининг туман бўлими томонидан мавжуд маҳаллалар иштирокида шундай танловлар уюштирилди. Бу ерда «Энг саранжом-сарийшта хонадон», «Энг обод маҳалла» ва «Энг намунали обод мактаб» кўрик-танловларининг якуний босқичи бўлиб ўтди.

«Энг саранжом-сарийшта хонадон» йўналиши бўйича

ўтказилган танловда Оқовул қишлоқ фуқаролар йиғинига қарашли «Наврўз» маҳалласида истиқомат қилувчи Нодировлар хонадони ғолиб деб топилди. «Энг обод маҳалла» номига эса Суронкент қишлоқ фуқаролар йиғини таркибидagi Қизилсой маҳалласи сазовор бўлди.

**Камолуддин АСҚАРОВ.**

### СОВҒАГА ТЕЗ ЁРДАМ МАШИНАСИ

Чирчиқлик бир гуруҳ саховатпеша тadbиркорлар яқинда яна бир хайрли тadbирга кўл урдилар.

Уларнинг ёрдами билан шаҳар соғлиқни сақлаш бўлими ихтиёридаги тез ёрдам автомобилари сони биттага кўпайди. Уни харид қилиш учун шаҳар ҳокимлиги бир миллион, соғлиқни сақлаш бўлимининг ўзи 500 минг сўм ажратди. Автомашина қийматининг асосий қисмини эса шаҳардаги қатор ишбилармонлар тўлашди.

**Ўз мухбиримиз.**



# Аёл, Оила, Жамият



Тошкент вилояти хотин-қизлар кўмитасининг ойлик саҳифаси №3

## ИБН СИНО ВОРИСЛАРИ

*Бундан элик йил муқаддам Янгийул шаҳар касалхонаси қошида оддийгина фельдшерлик мактаби очилган эди. Бир йилдан сўнг мактаб фельдшер ва доялар тайёрловчи билим юртига айлантирилди. Мамлакатимиз мустакиллигининг иккинчи йилида эса мазкур билим юртига тиббиёт коллежи мақоми берилди.*

— Биз акушерлик иши, ҳамширалик иши, ортопедик стоматология йўналишлари бўйича мутахассислар тайёрлаймиз, — дейди коллеж раҳбари Хусниддин Раҳмонов. — Коллежимизда назарий ва амалий машғулотлар олиб бориш учун етти лаборатория, 32 ўқув хонаси мавжуд. Компьютер синфларимиз, биология, физика, кимё фан кабинетлари замонавий ўқув анжомлари билан жиҳозланган. Бир сўз билан айтганда, коллежимиз бугунги замон талабларига тўла жавоб беради.

Мазкур ўқув даргоҳида қатор маданий-маърифий тадбирлар, кўрик-танловлар ўтказиб келинмоқда. «Озод ва эркин Ватан — менинг тақдиримда» мавзусида адабий-бадий кечалар, «Ҳамширалар кўни»га бағишланган «Мен бўлажак ҳамшираман», «Сиз қонунни биласизми?», «Энг яхши китобхон» кўрик-танловлари шулар жумласидандир. Ўқувчи ёшларни коллежга жалб қилиш, тиббиёт



касбига қизиқтириш мақсадида «Очиқ эшиклар кўни» ташкил этилган. Ёшларда умуминсоний фазилатларни шакллантиришга, улар онгига миллий урф-одатларимиз ва қадриятларимизни сингдиришда «Замона ёшлари» кўрик танлови ва «Заковат» клубларининг фаолияти сезиларли таъсир кўрсатмоқда.

**Л. СУВОНОВ,**

*СУРАТЛАРДА: коллеж ҳаётидан лавҳа; коллеж талабаси Муштарий Ибодова.*

**Сарвар ЎРМОНОВ (ЎЗА) олган сураатлар.**



*Аёл — аввало, она, мунис қалб эгаси. Унинг ўз оиласи, фарзандига, юртига бўлган муҳаббати юз-кўзларида қалқиб туради. Аслида аёлни муҳаббат тимсоли, оила кўзгуси, авлодлар занжири ҳам дейишади. Ҳақиқатан ҳам шундай.*

Баъзида шундай ҳоллар ҳам юз берадики, аёллик иффати, ор-номус уни тарк этади. Бу билан у қабиҳ йўллари ўзига манзур билиб, хатоларга йўл қўяди. Билиб-билмай жиноят қўчасига кириб қолиши, ўз номусини булғаши мумкин. Энг ачинарлиси, гиёҳвандликка берилиб, бу кўчада не кўргиликларга дучор бўлиб кетишидир.

Тошкентдаги аёлларнинг жазони ўташ муассасасида ана шундай билиб-билмай, тушуниб-тушунмай, хато қадам босган аёллар қилмишларига яра-

ша жазоларини ўтайдилар. Уларнинг қай бири ўғрилиқ, қай бири гиёҳванд моддалар савдоси, баъзилари қотилликка қўл уриб, эркинликдан маҳрум бўлганлар.

Тошкент вилояти ҳокимлиги, вилоят хотин-қизлар кўмитаси яқинда ушбу муассасада улар билан учрашув ташкил этди.

Тадбирда вилоят ҳокимининг ўринбосари, хотин-қизлар кўмитаси раиси Адиба Аҳмад-жонова, вилоят ёзувчилар уюшмаси раиси, шоир Маҳмуд Тоир иштирок этдилар. Улар бу маънос чеҳрали маъсумалар билан юракдан суҳбатлашдилар.

Биз бугун сизнинг қилган хатоингизни муҳокама қилгани, ёхуд сизнинг ярангизни янги-

лагани келганимиз йўқ, дейишди улар. Аксинча, мақсадимиз янгиланаётган жамиятда сизнинг ҳам ўрнингиз борлигини эслатишдир. Сиз, аввало, оилангиз, бола-чақангиз учун қадрлисиз. Бундан буён эсон-омон, шоду-хуррам умр кечирингиз ҳаммангизга насиб этсин. Ҳеч қачон қалтис қадам қайта такрорланмасин.

Тадбир давомида маҳкума аёлларнинг айримлари билан суҳбатлашдик.

— Қотилликка қўл урдим, — деди хоразмлик Наргиза Жуманиёзова. — Ота-онамнинг назоратидан четда қолиб, нима қилсам қилдим. Охири гиёҳвандликка ружу қўйдим. Уйдан кетиб қолиб, ўзга хона-

Дил изҳори

## ХУРСАНД БЎЛДИК

*Мен кўп сонли Чиноз тумани хотин-қизлари номидан, айни бир пайтда бир журналист сифатида, қалб ҳаяжонимни ифода этмоқчиман. Зеро, бу туйғу вилоят кўзгуси саналмиш «Тошкент ҳақиқати» газетасининг 2003 йил 3 июль сони кўлимга теккан дақиқаларга пайвастадир.*

Унда вилоят хотин-қизлар кўмитасининг «Аёл, Оила, Жамият» саҳифасининг илк нусхаси илова этилгани хотин-қизларимиз учун қутилмаган тўхфа бўлди. Тўғри, илгари кўмитанинг «Аёл олами» нашри бўлиб, кейинги пайтда маълум сабабларга кўра тўхтаб қолганди. Айтиш мумкинки, мазкур ойлик саҳифа унга нисбатан мукаммаллиги, кенг қамровлиги билан, айни пайтда газета нафақат хотин-қизларга, балки, вилоятимиз аҳли аёл-у эрқаги, ёшлари қўлига бориб тегиши билан ҳам ажралиб туради.

Газетанинг жамият ва ҳаётдаги ўрни ҳақидаги маълум фикрларни такрорлашга ҳожат йўқ. Ҳеч қандай ҳужжат тарихни газетачалик ёритиб беролмайди. Газетанинг ҳар бир сони — ҳаётимизнинг бир кунги сурати, бир кунги овози, бир кунги юрак уриши. Унда энг кичик ҳодисалардан тортиб катта воқеаларгача муҳрланиб қолади.

Ойлик саҳифанинг илк нус-

хасини олган хотин-қизларимиз — пахтакор Ҳабиба Ҷўраева, ўқитувчи Дилором Маҳкамова, шифокор Машхура Одилхонова, маҳалла фуқаролар йиғини раисаси Танзила Оллоберганова, уй бекаси Маҳбуба Султонова, хотин-қизлар кўмитаси раиси Турғуной Бойматовалар ўзларининг муносабатларини билдирдилар. Уйлаймизки, мазкур нашр бизнинг севимли саҳифамиз бўлиб қолади. Вилоят хотин-қизларининг фуқаролик жамияти қурилишида фаол иштироки, иқтидори, қобилият ва салоҳиятлари, миллий қадриятларимиз, урф-одатларимизни бойитишдаги иштироки, оналик ва болалик бахти, аёлларимизнинг қувончу ташвишларини ифода этади. Биз бу нашр хотин-қизлар ҳаётига кириб келишидан беҳад хурсандмиз.

**Ҳабиба ШЕРОВА,**  
*Чиноз тумани ҳокимининг ўринбосари, туман хотин-қизлар кўмитаси раиси, Ўзбекистонда хизмат кўрсатган журналист.*

**4-саҳифа:**

Офарин, Ҳакима опа!

...

Оқил ота почтасидан

**5-саҳифа:**

Хонадон тинчлигинималарга боғлиқ?

**6-саҳифа:**

Миср бекалари

## ҚАЛТИС ҚАДАМ СИЗГА ЯРАШМАЙДИ

донларда ижарага яшадим. Бир кўни уй эгасидан гиёҳванд моддаси учун пул сўрадим. У киши пул бермай, менга бу йўлдан қайтишим кераклигини, ота-онамнинг юзини ерга қаратмай, одоб-ахлоқли, инсоф-тавфиқли қиз бўлишим кераклиги ҳақида насиҳат қилди. Бу пайтда менинг қулоғимга гап кирмас эди. Чунки, ҳумор тутаётган эди. Ўзим хохламаган ҳолда унинг қотилига айландим.

— Хурсаной Ҳайдароваман, — дея ўзини таништирди фарғоналик бир аёл. — Ёшим эллика чиққанда бу ерда ўтираман деб ўйламагандим. Ўзига тўқ хонадонга ўғрилиққа кириб, шу ҳолатга тушдим.

Адашган бу аёлларнинг кўпи ўз қилмишларидан пушаймон. Уларнинг аксарияти муассаса маъмурияти ташкил этган мактабда билим олиб, хунар ўрганмоқда.

Кечада вилоят маданият ишлари бошқармаси қошидаги «Шош наволари» гуруҳининг куй-қўшиқлари янгради.

Аёллар тадбир давомида ҳаётнинг нақадар гўзаллиги, эркинлик қанчалик тотлигини, фақат унинг қадрига вақтида етиш кераклигини янада тيرانроқ ҳис этган бўлсалар, ажабмас.

**Равшан ЁҚУБЖОНОВ,**  
*«Тошкент ҳақиқати»нинг мухбири.*





*Шундай инсонлар бўладики, интилиш, иштиёқ, собитлик уларни ижтимоий-сиёсий ҳаётнинг олдинги сафларига олиб чиқади, бутун мамлакатнинг ифтихорига айлантиради.*

Миср Республикасининг Президенти Муҳаммад Хусни Муборакнинг аёли — Сузан Солиҳ Собит Муборак хоним ана шундай ёрқин йўлдан бориб, Миср ижтимоий-сиёсий ҳаётида салмоқли ўрин эгаллашга муяссар бўлди. У Алменияда таваллуд топиб, 1977 йили сиёсат фанлари бўйича Қоҳира университетининг дипломини олди. 1982 йили ёш Сузан Америкада университет тахсилни якунлаб, ижтимоий фанлар бўйича магистрлик унвонига эришди.

Сузан Миср ижтимоий ҳаётида фаол қатнаша бошлади. Болалар ҳуқуқларини изчил ҳимоя қилиш, аёллар ўртасида олиб борилган кенг қўламли ишлар уни жамоатчиликка танитди. Айни шу йилларда аёлларга муносабатда туб ижобий ўзгаришлар юз берди. Чунончи, шахсий ҳолатлар ҳақидаги қонунга тузатишлар киритилди. Аёлга болалар парваришига тегишли ҳуқуқларни берувчи «Бола ҳақида»ги қонун қабул қилинди. Энг муҳими, жамиятда аёллар ҳаракатини бирлаштириш ижобий якун топиб, Миср аёлларининг миллий кенгаши ташкил топди. Бу саъй-ҳаракатларда шахсий ҳолатлар масалаларига тегишли суд ишлари ҳақидаги қонунга оила манфаатини кўзловчи тузатишлар киритилиши муҳим воқеа бўлди.

Сузан Муборак хоним аёлнинг эркаклар билан тенг ҳуқуқлилиги учун курашчиларга бош-қош. Натижада бугун аёл ва эркак ўртасида адолат ва тенглик тобора тўла ижобат бўлиб борапти. Шунинг айтиши керакки, 2002 йили адвокат Тихани ал-Габалий Мисрда биринчи аёл судья сифати-

белгиланган тенглик асослари ва имкониятлари тенглигида оқлаб бўлмайдиган бўшлиқ эди.

Сузан Муборак хоним турли шаҳар ва вилоятларда мактаблар, кутубхоналар очиш, бошқа ижтимоий масалаларни ҳал этиш билан ҳам узлуксиз шуғулланиб келмоқда. Аёллар муаммолари ва бошқа масалаларга бағишланган конференциялар қатнашчиси. 1985 йили Найробида ўтказилган Жаҳон аёллари конференциясида Миср делегациясига бошчилик қилди. 1989 йили ЮНИСЕФнинг «Морис БАТ» мукофоти сазовор бўлди. Бу мукофотнинг қиймати 25 минг АҚШ долларига тенг бўлиб, Сузан Муборак хоним уни Хилвондаги қар ва соқовлар мактаби учун замонавий жиҳозлар олиб беришга сарфлади.

Харакатчан бу аёл кенг қўламли давлат ва жамоатчилик ишларида чарчамайди. У Искандария кутубхонасини барпо этиш давлат қўмитаси, Болаларни ҳимоя қилиш бўйича Миср жамияти ва Миср аёллари миллий кенгашига раҳбарлик қилмоқда. Болалар таълими соҳасига эътибори ва самарали фаолияти учун «Фол брайт» муассасасининг мукофоти билан тақдирланган.

Бу аёлни катта давлат ишлари ҳақида фикр юритилаётган анжуманларда, турли жамоаларнинг давраларида, болалар муассасаларида тез-тез учратиш мумкин. Сузан Муборак хоним ҳамisha катта-кичик масалаларга масъулият ва хушёрлик билан ёндошади, ўз халқига садоқат билан хизмат қилмоқда.

# МИЛЛАТ



# ИФТИХОРИ

да ишга тайинланди. Солиҳа ал-Дисавий билан Алмани Магди Абу Нуаслар эса Олий Конституцион суднинг ваколат ҳайъати аъзолари сифатида иш бошлади.


Сузан Муборак хоним уларни тақдирлаш маросимида шундай деди: — Аёлнинг бугунги кунгача суд курсида бўлмаганлиги конституцияда

## ЛОТОС ШАКЛИДАГИ ТЕЛЕМИНОРА

Қоҳира телеминораси 1961 йили қурилган. 60 қаватли уйдан баланд — 187 метр. Лотос гулига ўхшатиб барпо этилган бу телеминорага кўтарилиб, пойтахтнинг атрофидаги энг гўзал манзараларни томоша қилиш мумкин.

## ЭХТИРОМ РАМЗИ

Қоҳирада бир ҳайкал бор. У Миср уйғонишининг тимсоли. Бу — қўлини сфинкс боши устига қўйиб турган деҳқон аёлнинг ҳайкали. Мазкур ёдгорлик Миср халқи маблағига қурилган. Уни мисрлик ҳайкалтарош Маҳмуд Мухтор гранитдан ясаган. Ҳайкал мўтабар инсон зоти — аёлга эҳтиром сифатида бунёд этилган.



## ЯНГИ ЖУРНАЛ

Миср Араб Республикасининг Ўзбекистондаги элчихонаси «Мисрға нигоҳ» маданий-ижтимоий журнали нашрини йўлга қўйди. Унинг биринчи сони ўқувчиларга етиб борди.

Журнал саҳифаларидан Ўзбекистон ва Миср ўртасидаги иқтисодий алоқалар ҳақидаги мақолалар ўрин олган. Унда маданий муносабатларимиз, адабий ва илмий мавзулар кенг ёритилган. Журналда қадимги Миср тарихи, мамлакатда хотин-қизлар ҳаракати ҳақида ҳикоя қилувчи мақолалар катта ўрин эгаллади. У ноёб рангли суратлар билан безатилган.

# МИСР БЕКАЛАРИ

*Тарих Миср аёли барча даврларда эркаклар билан елкама-елка турганлиги ва энг қадимги маърифий ривожини асосларини мустаҳкамлашдаги фаол иштирокчини қайд этади. Бу мамлакат аёллари минг йиллардан буён ижтимоий, иқтисодий, қонуний ва сиёсий ҳуқуқлардан барча билан тенг фойдаланган. Бунинг ифодасини қадимги миср санъати намуналари — турли лавҳалар ва ҳайкалларда кўриш мумкин.*

*Бу ҳолат факат заифлик ва инкйроз, чет эл истилочилари ҳукмронлиги даврларидагина ўзгарди. XIX аср охириларида келиб, Миср аёлининг ҳаётини янги босқич бошланди. Унинг жамиятдаги муносиб ўрни учун кураши босқичлари қўйидагича кечди:*

1872 йил — Рифаъа Тахтовий аёлнинг таълим олиши зарурлигини талаб қилиб чиқади.

1873 йил — Қизлар учун биринчи бошланғич мактаб ташкил қилинди.

1899 йил — Қосим Амин



ция аёлга эркак билан ижтимоий ва сиёсий ҳуқуқлар тенглигини берди.

1957 йил — Парламентга дастлабки аёллар кирди.

1962 йил — Миср ҳукуматида аёллардан биринчи вазир тайинланди.

1971 йил — Конституцияда оналик ва болалик ҳимояси тасдиғини топди.

1979 йил — Халқ мажлисида камидан 30 уринини аёлларга ажратиш ҳақида қарор қабул қилинди.

1980 йил — Аъзолари сафида етти аёл булган Маслаҳат Кенгаши ташкил этилди.

1981 йил — Миср ҳукумати аёлга нисбатан ҳар қандай турдаги ажратишларни ман қилувчи халқаро шартномани ратификация қилди.

2000 йил — Аёллар миллий кенгаши ташкил қилинди.

Бугун Миср аёли ҳукумат ишларини бошқаришда, ижтимоий соҳаларда, дипломатия соҳасида фаол иштирок этмоқда.

## ЭХРОМЛАР МАМЛАКАТИ

*Миср диёри ҳақида гап очилса, биз инсоният тарихида яратилган мўъжизалардан бири — эҳромларни кўз олдимизга келтирамиз. Физо эҳромлари қадимий Миср маданиятининг рамзидир.*



Физо Қоҳира шаҳрининг рўпарасида, Нил дарёсининг нариги қирғоғида жойлашган. У томонга Эҳромлар кўчасидан ўтиб борилади.

Энг катта эҳром — Хуфу. Уни подшоҳ Хуфу ўзига макбара сифатида қурдирган. Эҳром 13 фаддан ерга тўртбурчак шаклида бунёд этилган. Уни қуришда 100 минг киши йилда уч ой давомида ишлаган. Ҳар бир томони 266,5 метрдан иборат. Қурилишда ҳар бирининг вазни 2,5 тоннадан 15 тоннагача бўлган 2.300.000 бўлак оҳакли тош ишлатилган. Унинг баландлиги 137 метр. Девор томонларининг узунлиги 212 метр.

Иккинчи — Хафруъ эҳроми ҳам оҳактошдан қурилган. Баландлиги 137 метр. Ичкарига иккита кириш жойи орқали ўтилади. Биринчисининг баландлиги 115 метр. Унинг остида иккинчи кириш жойи бор. Унинг баландлиги 12,5 метр атрофида. Учинчи эҳром Монкавруъ ҳам оҳактошдан қурилган. Баландлиги 61,5 метрга етиб боради. Томонларининг узунлиги 108 метр.

Бу эҳромларни «Сахро эгаси» — сфинкс «қўриқлаб» туради. У катта тошнинг бир қисмига ишлов бериш йўли билан ясалган. Танаси — ўтирган шер, калласи — инсон боши шаклида. Қадимги мисрликлар ташбеҳига кўра, шер — куч-қувватни, инсон — ҳикматни англатади. Узунлиги 70 метр, эни — 15 метр атрофида. Олдинги оёқлари орасидаги гранит лавҳада подшоҳ Тахталис IV нинг сфинкс билан боғлиқ қиссаси ўйиб ёзилган.

Шимолда, Абу Сир минтақасидан беш километр узоқроқда бешинчи подшоҳлар оиласига тегишли тўрт эҳром ҳам бор. Саққаранинг жанубида, 10 километрча наридаги Дахшур минтақасидаги эҳромлар мажмуи ҳам ҳайратланарли. Дахшур эҳромининг пойдевори 220 метрни ташкил этади. Баландлиги — 99 метр. Бошқа бир



эҳром Хуфунинг отаси подшоҳ Синифруга тегишли. Шу атрофда Синусрит III билан Аманимхат III эҳромлари ҳам мавжуд.

Тўрт минг йилдан буён турган тош қасрлар — эҳромлар ҳамон инсониятни ҳайратга солмоқда. Замонавий илм-фаннинг барча имкониятларидан фойдаланаётган олимлар ҳамон уларнинг тилсимотини еча олмаётирлар. «Улар инсон қўли билан эмас, ўзга оламлардан келган ўта ақлли жонзотлар томонидан бунёд этилган» — деган мулоҳазалар ҳам йўқ эмас.

\*СПОРТ\* \*СПОРТ\* \*СПОРТ\* \*СПОРТ\*

# «МЕТАЛЛУРГ» — ВИЛОЯТ ФОЛИБИ



Хозир спорт, хусусан, вилоят футболда ҳам на- тижалар сарҳисоб қилинмоқда. Вилоят биринчи- лиги тугашига икки тур қолди. Сўнги учрашув- лар эса 20 сентябрда ўтказилади.

Футболимиз пешқадамлари- дан бири бўлган Олмалиқнинг «Металлург» жамоаси муҳлис- лар ишончини оқлаб, вилоят чемпиони деган номга мудда- тидан аввал сазовор бўлишди ва мамлакат футбол биринчи- лигининг I лигасига ўтиш тур- нирида баҳс олиб бориш им- конини қўлга киритишди. Бу, албатта Олмалиқ шаҳрида спортни ривожлантиришга етарли эътибор берилаётга- нидан далолатдир. Ушбу саъй-ҳаракатлар туфайли «Металлург» ҳам Ўзбекистон футболининг пешқадамлари- дан бирига айланса, не ажаб!

Улар сўнги турда «Шоликор» жамоаси майдонида 2:1 ҳисо- бида галабага эришиб, 54 очко жамғаришди. Футбол — 2003 вилоят биринчилигида чемпионни «изма-из таъқиб этган» яна бир жамоа — «Киб- рай» жамоаси сўнги турда «Кимёгар» устидан 4:1 ҳисо- бида муваффақиятга эришди ва 48 очко натижа билан фах- рий иккинчи ўринга сазовор бўлди. Учинчи ўрин учун эса «ТошДАУ» (43 очко) ва «Акмал» (40 очко) жамоалари кураш олиб борди. «ТошДАУ» жамо-

аси футболчилари «Акмал» майдонидаги сўнги учрашув- да дарвозага жавобсиз битта тўп киритишга муваффақ бўлди. Қолган учрашувларда эса қуйидаги натижалар қайд этилди: «Цементчи» — «Бўстон» — 8:1, «Олмалиқ — Д» — «Олимпиячи» — 4:0.



# Чемпионатга жўнаб кетишди

Дилшод Мансуров (55 кг.гача), Дамир Захарди- нов (60 кг), Могомед Гажиев (74 кг), Могомед Ибрагимов (90 кг) ва Артур Таймазов сингари маҳоратли спортчилардан таркиб топган мам- лакатимиз терма жамоаси бош мураббий Маъ- мур Рўзиев раҳбарлигида АКШнинг Нью-Йорк шаҳрида бўлиб ўтадиган эркин кураш бўйича жаҳон чемпионатида жўнаб кетди.

Шунингдек, шу кунларда дзюдочилари- миз ҳам Япониянинг Осака шаҳрида бўлиб ўтадиган жаҳон чемпионатида йўл олдилар. Уларга иктидорли ёш мураббий Армен Баг- дасаров раҳбарлик қилмоқда. Биз АКШ ва Япониядаги нуфузли спорт анжуманларида қатнашадиган ҳамюртларимизга омад ти- лаймиз.

Воҳид БОЙМУРОДОВ.

# СЕЙСМОЛОГЛАР ҲАМКОРЛИГИ

Ўзбекистон республикаси Фанлар академияси Фани Мавло- нов номидаги Сейсмология институтига хитойлик сейс- мологлар томонидан қиймати 300 минг АКШ долларига тенг бешта замонавий сейсмик станция топширилди.

2001 йилда Ўзбекистон Фан- лар академияси ва Хитой сейс- мология бюроси ўртасида ўзаро ҳамкорлик битими имзоланганди. Мазкур битимга кўра хитойлик мутахассислар кадрлар тайёрлаш ва тизимни янги асбоб-ускуна- лар билан жиҳозлаш борасида мамлакатимиз сейсмологлари би- лан ҳамкорликда иш олиб бор- моқда. Ҳар қандай табиий офат- лар айниқса, зилзила инсоният бошига қандай ташвишлар кел- тириши ҳамда унинг оқибатлари қанчалик аянчли эканлиги бар-

чага маълум. Ер қаърида бўлаёт- ган турли жараёнлар ва ўзга- ришлар айнан сейсмолог мута- хассислар диққат-эътиборида бўлади. Зеро, уларнинг хабари негизда миллионлаб инсонлар- нинг тақдири ётади. Тошкент марказий сейсмик станцияси минтақамиздаги тўнғич илмий тадқиқот муассасаларидан бири ҳисобланади. Ҳозирги кунда маз- кур тармоқда бир юз олтмишдан ортиқ илмий ва техник ходим меҳнат қилмоқда.

«Туркистон-пресс».

# МАТБАА КЎРГАЗМАСИ

Ўзбекистоннинг 1-навильонида «Ozbek in print» ва «O'zirkash - 2003» халқаро кўргазмаси очилди. Унда мат- баа, нашр, реклама ҳамда кадоклаш ва ёрлиқларнинг наму- налари ўрин олди.

Республикада бешинчи маротаба ўтказилаётган кўргаз- мада 30 та ўзбекистонлик ва 20 та хорижий компания матбаа ва нашр соҳасидаги энг илғор те- хнология ва маҳсулотларини на- мойиш қилмоқда.

Корхонамиз 1982 йили ишга туширилган, — деди Тошкент китоб-журнал фабрикаси бош муҳандиси Қамариддин Одилов. — Фабрикада 100 га яқин турда- ги матбаа маҳсулотлари ишлаб

чиқарилади. Маҳсулот ишлаб чиқаришда бюртмачининг тала- би инobatга олиниб, сифатли ҳамда ўз вақтида етказиб бери- лади. Маҳсулотларнинг нарх-на- волари давлат томонидан назо- ратга олинган. Хусусий корхона- ларда эркин ва келишилган нархлар қўйилади. Кўргазмада мактаб, лицей ва коллежлар учун дарсликлар қўйилган.

«Туркистон-пресс».

## Саломат бўлинг

# ЧЕКИШГА ТОБЕ БЎЛМАНГ

Кишлoғимизда бир инсон яшар эди. Қаерда кўрманг, кўлида сигаре- та, бирини иккинчисига улаб чекарди. Ҳалиги киши қирқ ёшдан ўтар-ўтмас вафот этди. Кейинчалик маълум бўлишича, ўлимидан уч-тўрт йил аввал каттик тоби қочиб, касалхонада ётганда, ши- фокорлар унга тамаки чекмаслиги лозимлигини айтишидан экан. Акс ҳолда бу захри қотил умрига зомин бўлишини ҳам тайинлаш- ган. У эса, пинагини бузмай, чекишда давом этган.

Дарҳақиқат, чекиш киши са- ломатлигига жиддий путур етка- задиган иллатлардан биридир. Тамакидаги асосий модда — никотин кишига кучли таъсир қилади. У марказий ва таралган асаб мажмуида вақтинча қўзга- тувчи вазифасини ўтайди, холос. Артериал қон босимини оширади. Майда томир- ларни торайтиради, нафас тезлашиши ку- затилади. Шунинг- дек, овқат ҳазм қилиш тизимида ши- рани кўпайтиради.

Никотин билан бирга тамаки тутундаги ёниш маҳсулотлари ҳам инсон аъзоларини захарлайди. Шунинг учун чек- майдиган кишиларнинг чекилган хонада бўлишлари ҳам зарарли- дир.

Тамаки чекиш илллати сурун- кали бронхит, ўпка энфеземаси, оғиз бўшлиғи, томоқ, бурун ва ўпкада хавфли ўсмалар пайдо бўлишига олиб келади. Нафас йўллари шилинмиш пардасида- ги ўзгариш товушга таъсир эта- ди. У бўғиклашди, ҳарорат па- саяди, ўпка хириллайдиган бўлиб қолади.

Никотин, айниқса, ҳомиладор ва эмизикли аёлларга салбий таъсир қилади. Уларнинг чекиш- ларидан оила аъзоларининг на- фас йўллари, кўкрак, бурун, фулоқ, томоқ инфекцияларига дучор бўлиши хавфи бор. Ҳоми- ладор аёллардан носоғлом бо- лалар туғилади. Бундай болалар

чекмайдиган ота-оналарнинг фарзандларига нисбатан кўпроқ кўкрак, бурун ва томоқ инфек- цияларига чалинадилар. Қола- верса, улар жуда эрта чекишга ўрганадилар.

Бу захри қотил атеросклероз, гипертония, гастрит, гастроэнтро- колит, миокардиострофия ва баъзи бир эндокрин касал- ликларнинг кечилиши оғирлаштиради. Чекиш- дан воз кечмай туриб, инсон тромбозфлебит, облитерацияловчи эн- доартрит, реино, сте- нокардия, миокард ин- фаркти каби касаллик- лардан соғайиб кетиши мумкин эмас.

Никотин — ўзига ўрга- тиб қўйвчи гиёҳванд моддалар- нинг бир тури. Чекишнинг оқиба- ти нафақат бевақт ўлимга, бал- ки, узоқ йиллик ногиронликка ҳам олиб келади. Доимий че- қувчиларнинг 50 фоизи узоқ яшамайди. Улардан ярми ўрта ёшда, иккинчи ярми кекса ёшга етар-етмас нобуд бўлади. Агар сиз ўрта ёшга чекишни таш- ласангиз, соғлигингизга етказил- лажак хавф-хатарнинг олдини бирмунча олган бўласиз. Ҳатто, ўрта ёшда ҳам чекишни ташлаш кеч эмас.

Мавжуда ЭРГАШОВА, республика «Саломатлик» институти Тошкент вилояти филиали директори.



# «ТОШВИЛОЯТТЕХГАЗ»

## ШЎЪБА КОРХОНАСИ ОГОҲЛАНТИРАДИ

### Рўзгор газ асбобларидан фойдаланувчи уй эгалари, корхоналар, ташкилотлар диққатига!

Иситиш мавсуми бошланишигача иситиш ва сув қайнатиш печлари, ҳажмли сувситгичлар, иситиш қозонлари мўрилари ва ҳаво тортиш каналларининг техник ҳолатини текширувдан ўтказиш лозим. Бу масалалар юзасидан шахрингиз (туманингиз) ёнгинга қарши жамиятига муурожаат қилиш зарур. Мўрилари ва ҳаво тортиш йўлларининг техник ҳолати ҳақидаги ҳужжатни яшаш жойи бўйича шаҳар (туман) газ идораларига тақдим этишингиз керак.

#### Шуни эсдан чиқарманг!

Печ гиштини теришда қолдирилган ёриқлар, иситиш асбоби ёки сувситиш мўриларидаги ифрослиги оқибатида газ ёнғонида ҳосил бўлган маҳсулотлар (карбонат ангидрид) хонага киради. Бу эса заҳарланишга олиб келади.

Газ асбобларидан газ мўриларидаги созлиги ҳақидаги ҳужжат бўлмаса, фойдаланиш ман этилади.

## ГАЗГА ЭЪТИБОРЛИ ВА ЭҲТИЁТ БЎЛИНГ!

### Портлаш, ёнгин, заҳарланиш содир бўлмаслиги учун қуйидагилар қатъиян тақиқланади:

- газ қурилмаларини ўзбошимчалик билан ўрнатиш ва қайта ўрнатиш;
- ишлаб турган газ асбобларини қаровсиз қолдириш;
- кўникмаси йўқ шахсларни ва ёш болаларни газ асбобларидан фойдаланишга жалб этиш;
- газ плиталаридан хоналарни иситиш учун фойдаланиш.

Газ асбоблари ишида бузилишлар ва газ хиди пайдо бўлса, дарҳол асбобни тўхтатиш, олов ёқмаслик, электрэндиригичдан фойдаланмаслик, хонани шамоллатиш, газ хўжалигининг авария бригадасини чақириш лозим.

### Газ асбобларидан фойдаланиш қоидаларига қатъий амал қилиш — хавфсизлигингиз гаровидир.

«Тошвилояттехгаз» шўъба корхонаси.

# АСҚАД МУХТОР ЗАМОНДОШЛАРИ ХОТИРАСИДА

*Ўзбекистон Ёзувчилар уюшмасида "Асқад Мухтор замондошлари хотирасида" китобининг такдимоти бўлиб ўтди.*

Тадбирни Ўзбекистон Ёзувчилар уюшмаси раиси, Ўзбекистон Кахрамони А.Орилов бошқарди. Истиклол байрами арафасида давлатимиз раҳбари Ислон Каримов Фармони билан эл-юрт истикболи, миллат равақи, Ватан истикболи учун хизмати синган марҳум юртдошларимиздан бир гуруҳи "Буюк хизматлари учун" ордени билан тақдирланган эди. Улар орасида Ўзбекистон халқ ёзувчиси Асқад Мухтор ҳам бор.

Тақдимотда иштирок этган ёзувчи ва шоирлар, адабиётшунослар мамлакатимизда миллий адабиётимиз, маданиятимиз ривожига улкан ҳисса қўшган ижодкорларнинг меросига чуқур ёндошиш ва мукаммал ўрганишга, асарларининг маънавий ҳаётимиздаги, ёш авлод тарбиясидаги ўрни ва аҳамиятига алоҳида эътибор қаратилаётганини таъкидлади.

Асқад Мухтор "Опа-сингил-

лар", "Туғилиш", "Давр менинг тақдиримда", "Чинор" каби романлари, талай қисса, ҳикоя ва драмалари, фалсафий шеърлари ҳамда жаҳон адабиётидан бадиий юксак таржималари билан XX аср ўзбек адабиёти ривожига катта ҳисса қўшган атоқли сўз санъаткоридир. Талабчан мураббий узоқ йиллар "Шарқ юлдузи", "Гулистон" журналлари, "Ўзбекистон адабиёти ва санъати" газетасида фаолият кўрсатиб, кўплаб ёш шоир ва ёзувчиларга устозлик қилган, ўзининг олижаноб табиати билан замондошлари қалбида ўчмас из қолдирган ажойиб инсон эди.

Тақдимотда Ўзбекистон Республикаси Президентининг Давлат маслаҳатчиси Х.Султонов сўзга чиқди.

Ў.А.

## КУТУБХОНАЧИЛАР КЕНГАШИ

*Мамлакатимизда кутубхоналар фаолиятини янада такомиллаштириш, уларни янги нашрлар ва замонавий воситалар билан таъминлашга алоҳида эътибор қаратишмоқда. Айни пайтда кутубхоначилар малака ва маҳоратини ошириш ҳам доимий эътиборда.*

Пойтахтимиздаги умумтаълим муассасаларида меҳнат қилаётган уч юздан зиёд кутубхоначи иштирокида ўтган йилги йилда шулар ҳақида фикр юритилди. Ўқувчида китобга меҳр уйғотиш, китобхонларни жалб этишнинг самарали усуллари ва воситаларидан кенг фойдаланиш, шунингдек, ўқитувчиларга услубий ёрдам кўрсатишни такомиллаштириш зарурлиги таъкидланди.

Кутубхоналар фаолиятини янада ривожлантириш мақсадида "Йилнинг энг яхши кутубхонаси", "Энг яхши китобхон" каби танловлар эълон қилишга келишиб олинди.

Ў.А.

### Ривоятлар

#### ОЛТИН ФИШТ ХИКОЯСИ

Шайх Саъдий шундай ривоят қиладиларки, бир одам олтин фишт тоғиб олибди. Бундан хурсанд бўлган ҳолда бу фиштни нимага сарф қилишини ўйлай бошлабди. «Бу бойлик менинг барча ҳавасларимни амалга ошириш учун етарли, кел, уни сарфлаб бир сарой қурдирай», — депти у ва сарой қуриш тадбирини кўриш учун жой танлаш мақсадида бир сайхонликка чиқибди. Бу жой олдин қабристон бўлган экан. Қараса, бир мардикор қабристон тупроғидан лой қориб, фишт қуяётган экан. Буни кўрган ҳалиги одам:

«Бир олтин фишт дилинг нечук банд этмиш,

Эрта тупроғингдан қуйиларку фишт»,

деб бойликка беҳуда мағрурланганлигидан пушаймон бўлибди.

#### БЕЗОРИЖОНДАН ҚУТИЛИШ ЙЎЛИ

Бир кишининг ошнаси уникага ҳадеб келавериб, безорихон қилган эди. У киши бир дарвешга бу ҳолдан шикоят қилиб, ундан маслаҳат сўради. «Сен ўша ошангга қарз бер, шу кундан бошлаб уйингдан оёғи тийилди», — деб маслаҳат берди дарвеш. Ўша одам шундай қилган эди ҳамки, ошнаси уни кўрганда қочадиган бўлди.

Мухтор ХУДОЙҚУЛОВ.

### Сканворд

От-уловга тиркалади	Табиат ҳақидаги Фан	Яшнган боб					
		Дўдоқ		Сув жонивори	Бўш жой қолмаган, тирбан		Қусур, қатчилик
Тоғни улаб-узурчи асбоб	Назар	«СУКУТ»... «АЛОМАТИ» (мақол)		Туғилган қимматбахот			
					Телефондаги чир сўз		Элик тиллардан бири
Европадаги адабиёт					Мақом ном		
Хотира	Ёқилги тур			Олтинчи муқаддас	Энг катта қон томири	Электр заряди бўлган атом	
	Хўрандаларга хизмат қилувчи						Кимёвий унсур
				Йиртқич қуш			
Сув бўйи, қирғоқ	Зайнда ҳасоб берилги					Бизлар исми	
Германиядаги йирик шаҳар		Овоз, сас				Саҳар, субҳидам	Сўроқ олмош
		Қаюм шаҳар		Зийнат			

Тузувчи: Акримжон ХУЖАМОВ.

### Бу қизиқ

## ШОКОЛАДХЎР БЎЛИШ ЯХШИМИ?

*Шоколадни кўпчилигимиз севиб истеъмол қиламиз. Айримларимизни эса ширинхўрлар деб атаса ҳам бўлади. Орамизда ана шу ширинликсиз яшай олмайдиغانлар ҳам топилди. Ушбу маълумотни ўқиган шоколадхўрлар ранжиши мумкин.*

Гап шундаки, мевалардан шоколад тайёрланган какао дарахти турли касалликларга чалинмоқда. Фарбий Европа ва Марказий Осиё давлатларида етиштириладиган какао-нинг ҳар йилги ҳосилининг 30-90 фоизини касаллик но-буд қиляпти. Натижада, шоколад танқислиги пайдо бўлиши хавфи сезилмоқда. Мутахассислар ушбу салбий ҳолатнинг олдини олиш учун бошқа ўлкаларда какао дарахтини етиштириш йўлини тақлиф қилдилар. Энди ёввойи ҳолда ўсган каколлар муҳитини яратиш керак, шекилли. Балки, иссиқхоналардан фойдаланиш лозимдир. Аммо, унинг маҳсулоти ҳақиқий какаога ўхшарми-кан, деган савол соҳа мутахассисларини ўйлантириб қўйди.

Ўзгал ИСМАТУЛЛАЕВА тайёрлади.



### Суд залидан

*Шу йил август ойининг бешинчи кунда жиноий ишлар бўйича Тошкент вилоят судининг очик мажлисида 1966 йили Янгийўл шаҳрида туғилган Аҳмедова Ҳамида Умурзоқовна ва 1981 йилда Сурхондарё вилоятида туғилган Менгқобилов Умиджон Умарович содир этган жиноий иш кўрилиб, айбдорларнинг биринчиси — 7 йилга, иккинчиси — 10 йил муддатга озодликдан маҳрум қилинди. Улар жазони қаттиқ тартибли ҳибсхоналарда ўташлари белгиланди.*

Хўш, уларга бундай қаттиқ жазо чораси қўлланилишининг сабаби нима?

Авалло, дунёда шундай оғулар борки, унинг қасофати инсонни тубанлаштириб, келажидан маҳрум этади, яъни тирик мурдага айлантиради. Энди ўзингиз мулоҳаза қилиб кўринг, гиёҳвандликка ружу кўйган кимсadan чинакам одам чиқармиди? Албатта, йўқ. Гиёҳвандлар дунёга келтирувчи майиб-мажруҳ болалар-чи? Улар жамиятимизга оғир юк бўлиб қолмайдими?

Вилоят суди очик мажлисида кўриладиган жиноий ишларнинг аксариятини содир этганлар қорадори, наша, кўкнори, мари-

Ҳамида Аҳмедованинг турмуш ўртоғи ҳам шундай қинғир йўлдан юриб, жазога тортилган эди. Наҳотки, бундан у тегишли ҳулоса чиқармади? Кўра-била туриб, нафсга қул бўлиб, ҳатто захру қотилни пуллашга киришиб кетди.



риб, минг бир жавобни олсанг ҳам бу муаммонинг тагига етолмайсан, киши. Ачинарли томони шундаки, оғуфурушлик билан боғлиқ жиноий ишларнинг барча иштирокчилари муқим касбу корга эга бўлмаган, шунингдек, ҳеч қаерда ишламайдиган шахслар бўлиб чиқади.

Хукм ўқилди, судланувчиларнинг жиноятларига яраша жазо белгиланди.

Бу гиёҳвандлик моддаларини сақлаш, сотиш каби хатарли йўлни мўлжаллаган бошқа таваккалчаиларга ҳам сабоқ бўлиши керак.

Шавкат ҚУЛИБОЕВ, «Тошкент ҳақиқати»нинг махсус муҳбири.

## ОҒУФУРУШЛАР

Хуана каби оғуларни етиштириш, сақлаш, сотиш эвазига текин бойлик орттириш мақсадида харидор ахтариб, қўлга тушган кимсалардир.

Албатта, судланувчилар Ҳ. Аҳмедова ва У. Менгқобиловни бирлаш-тирган омиллар кўп. Бу «шерик»ларни ҳуқуқ ва тартибот идоралари ходимлари 280 грамм оғуни 3780 АҚШ долларига сотмоқчи бўлиб туришганида қўлга олишди.

Уч фарзанднинг онаси бўлмиш, эсли-хушли аёл нима учун ўғли, ёхуд уқаси тенги йигитчани жиноят қилишга ундади, ўз фарзандларини эса, етимлик чоҳига улоқтирди? Ёки юридик коллежни тугатган У. Менгқобиловни олайлик. Бўлғуси ҳуқуқ посбони наҳотки, гиёҳванд моддаларни пуллаб, тирикчилик қилиш мумкин, деб ўйлаган бўлса... Минг марта савол бе-



Муассис ТОШКЕНТ ВИЛОЯТИ ХОКИМЛИГИ

Бош муҳаррир Фатҳиддин МУҲИДДИНОВ

Телефонлар: Хатлар ва оммавий ишлар бўлими: 133-40-48. Эълолар: 133-70-10, 136-53-54.

Манзилимиз: 700000, Тошкент шаҳри, Матбуотчилар кўчаси, 32.

Ўзбекистон Республикаси Давлат матбуот қўмитасида 8 рақами билан рўйхатга олинган.

Газето «Тошкент ҳақиқати» таҳририяти компьютер марказида терилди ва соҳифоланди.

Хафтанинг чоршанба ва шанба кунлари чиқади. Буюртма Г-846. Адади 3911. Ҳажми - 2 табоқ, офсет усулида босилди, қоғоз бичими А-3. Саҳифаловчи: Умид АБДУШОҲИДОВ.

"Шарқ" нашриёт-матбаа акциядорлик компанияси босмаҳонасида босилди. Корхона манзили: "Буюк Турон" кўчаси, 41-уй.

Нашр кўрсаткичи - 205. Босишга топшириш вақти - 20.00. Босишга топширилди - 18.45. 1 2 3 4 5